

## L Ö G

41

23. maí

## um byggingarsjóð Listasafns Íslands.

## FORSETI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

## 1. gr.

Stofna skal byggingarsjóð Listasafns Íslands. Stofnfé sjóðsins er það fé, sem Alþingi hefur lagt fram til að byggja vinnusal og íbúð fyrir Jóhannes Sveinsson Kjarval, listmálara.

## 2. gr.

Þangað til bygging húss fyrir Listasafn Íslands hefst, skal sjóðurinn varðveittur og ávaxtaður í Landsbanka Íslands.

Menntamálaráðuneytið birtir árlega í Stjórnartíðindum eða Lögbirtingablaði endurskoðaðan ársreikning sjóðsins.

## 3. gr.

Lög þessi öðlast þegar gildi.

*Gjört að Bessastöðum, 23. maí 1959.*

Ásgeir Ásgeirsson.

(L. S.)

*Gylfi Þ. Gislason.*

## L Ö G

42

23. maí

## um breyting á lögum nr. 33 29. maí 1958, um útflutningssjóð o. fl.

## FORSETI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

## 1. gr.

6. gr. laganna orðist svo:

Ríkisstjórnin getur ákveðið, að útflutningssjóður greiði vinnslustöðvum sérstakar bætur á smáfisk, á tiltekna fisktegundir, á fisk veiddan á vissum tímum árs og á fisk, sem fer í tiltekna vinnslu. Bætur þessar skal miða við ákveðna upphæð á hvert kg af fiski, sem vinnslustöð tekur á móti.

Ríkisstjórnin getur ákveðið, að sérstakar bætur skuli greiddar bátum, togurum og vinnslustöðvum á hvert kg fisks, sem framleitt er frá 1. til 31. janúar 1959. Bætur þessar skulu svara til þeirrar hækkunar á rekstrarkostnaði báta, togara og vinnslustöðva, sem af því leiðir, að kaupgjald og skiptaverð á fiski til bátasjómannanna er í janúarmánuði 1959 miðað við kaupgreiðsluvísitölu 202, en ekki kaupgreiðsluvísitölu 175, sem er sú kaupgreiðsluvísitala, sem skiptaverð á fiski til bátasjómannanna og aflaverðlaun togarasjómannanna skal miðast við frá 1. febr. 1959, sbr. 9. gr. laga nr. 1 30. jan. 1959.

Ríkisstjórnin getur ákveðið, að útflutningssjóður greiði niður verð á beitu.